

四庫全書

子部

欽定四庫全書

萬姓統譜卷六十二

明 凌迪知 撰

下平聲

十一尤

丘 河南宮音太公封營丘以邑為氏又望出吳興

漢丘滕

烏程人光武朝歷官公卿二百石退居鄉邑乃於先人故塋與其弟子築室而居

丘俊

持節江淮王莽篡位遂留江左居吳興

丘常

左馮翊韓延壽下獄楊惲上書訟延壽郎中丘常謂惲曰聞君侯訟韓馮翊當得活乎惲曰事

何容易脛脛者未必全也

晉丘昂

吳興人家貧好學織舂以自給與弟給事中夷太守矩並以孝行著聞當時謂之三丘

北南丘寂之

烏程人年十七為州西曹掾直主簿刺史王或行夜還前驅已至而寂之不肯開門待墨

旨然後開或歎曰不意郅軍章近在閣下即轉為主簿遷郭令專以廉潔御下有能名

丘冠先

字道玄烏程人少有節義仕南齊為給事中使蠕蠕國蠕蠕逼令拜丘執節不從曰能殺

我者蠕蠕也不能以天子使拜夷狄者我也遂見殺武帝以冠先不辱命賜其子雄錢布雄不

受

丘淵之

字思玄烏程人博學有才識宋文帝即位以舊恩歷侍中所著文章百卷

丘靈鞠

烏程人少好學善屬文仕齊累官貢外郎參掌詔策入梁為東觀祭酒嘗曰人居官願數

遷使我終身為祭酒不恨也子遲八歲能文官至中書侍郎從孫仲孚亦好學為山陰令有能聲

丘遲

字希範吳興人靈鞠之子也八歲善屬文及長為中書辭采麗逸時鍾嶸評其詩曰范雲婉轉

清便如流風回雪丘遲點綴映媚似落花依州遲後出守永嘉不稱職為有司所劾

丘傑

吳興人年四十喪母以熟菜有味止啖生菜歲餘夢母曰汝啖生遇蝦蟆毒靈林有藥一九可

取服之傑果得一甌服下科斗子數升疾愈

丘泉之

吳興人博學才識著文章一百卷

丘仲孚

字公信靈鞠從孫嘗稱為千里駒為國子生王儉曰東南之美復見丘生為山陰令民謠

曰二傳沈劉不如一丘長於治劇通權變為天下第一號稱神明累遷豫章內史撰皇興二十

卷南宮故事一百卷

隋丘和

交趾太守撫綏盡情荒域安之蕭銑等舉兵招之不從後納款于唐授交州大都督

唐丘為

嘉興人事繼母孝嘗有靈芝生堂下官至太子右庶子及致仕年八十餘而母無恙給以俸祿

之半初還鄉縣令謁之為候門盤折令坐乃拜里胥立庭下既出乃敢坐經縣治降馬而趨卒

年九十六

丘行恭

洛陽人父和初仕隋歷三州刺史善撫吏士得其心大業末拜交趾太守行恭有勇善騎

射唐初累從戰伐功多又從侯君集平高昌封天水郡公

丘丹

臨平人官至負外郎

宋

丘旭

宣城人少以畜產為事弱冠始讀書學為辭南唐時凡九舉不第而自勵彌篤及再試遂第一

江南平歸宋時呂蒙判銓聞其名甚重薦遷京秩卒于衡州旭嘗纂自古賢俊遺言為賓朋宴語其詞賦後人以為法

丘崇

字次姚身長七尺美鬚髯學優行立規負矩方登元符進士官至朝請郎

丘巨源

蘭陵人少舉孝廉除武昌太守不樂曰古人云寧飲建業水不食武昌魚乃以為餘抗令

丘礪

字師說朐山人政和八年王嘉榜進士除福建提刑秦檜求婚于礪惡其權奸丐祠屏居常熟

卒贈光祿大夫子穆應
博學宏詞科諸孫岳

丘允

字執中長溪人元符中舉進士累官知柳州蔡京新行茶法州縣遵奉豪右恃勢欺詐良民官

吏不敢詰責允窮治其奸遠近敬服時朝廷方崇尚黃老允上疏力斥之徽宗稱賢又論廣西鹽課之弊朝廷下其法於兩廣民以為便官終朝議大夫

丘敬

建寧人幼孤母為寇所掠敬求之四方不能得乃刻木肖母像晨昏侍奉以致孝思一夕妻饋奠悞侵母像仆地敬哭泣擗踊幾絕因卜葬又漢之上服喪三年春秋祭享後人稱其所居里

曰孝鄉

丘宓

字宗卿江陰人隆興初舉進士除國子博士宰相虞允文舉以自代宓入對首言恢復之志不

可忘恢復之事未易舉宜甄拔實才責以內治
光宗時為四川安撫制置使兼知成都府密以
吳氏世掌兵為慮奏選他將代之遂革世將
之患官至同知樞密院事卒贈太師諡忠定

丘何

字漢規登乾道第宰連江有聲部使者交薦之
不肯售沈淹外職晚始入朝監進奏院遷太府

簿時方詆道學上而諫諍下而成序絕口不言
性命等字雖六經論孟語亦避之何獨疏論中
庸及皇極偏黨之義語意懇切慶元丁巳有事
南郊太常闕肆儀宰相以何名聞遂攝卿行禮
自受誓戒以至受福細大無遺聲名驟起即將
超擢而何惟持正不肯趨謁當路積二年出守

永州

丘濬

黟人歷官殿中丞因讀易悟損益二卦能通數
知未來興廢嘗語家人曰吾壽終九九後果八

十一
辛

丘耒

字少潛礪子常熟人紹興中知海鹽治學宮築海堤二十里民有宿逋檢縣藏得羨餘悉為代

輸郡有疑獄一時平反

丘義

字通濟建陽人隱居不仕穎敏嗜學該貫子史尤邃于易與朱熹友善常相往來問答有易說

傳于世及諸詩賦序銘墨跡皆存熹為書芹溪小隱扁其堂楣作詩序贈之又著復齋銘並芹溪九曲等詩以貽之

丘富國

字行可建安人嘗受學於朱氏之門人淳祐中登第為端陽僉判宋社既屋遂不仕著周

易輯解十卷經世補遺三卷易學說約五篇發明朱氏宗旨

丘應辰

字詠性，泉州人。博學羣書，與葉本初、應景裕為友。元貞間，舉青田教諭，不就。作正異復并。

田諸論有憂憂集藏于家。今從祀鄉賢祠。

丘泰

字儀仲，高安人。淳熙間，父山疾，篤泰，割股以進。尋愈，轉運副使。趙彥操聞于朝，孝宗御筆付史。

館父死，家徒四壁，竭力奉母，後更名高。

丘奐

字明遠，仙遊人。舉遺逸，進書數十萬言，皆恢復大計。呂頤浩與論，大奇之。奏除湖北帥司幹官。

嘗單騎造賊寨，諭降之。後入劉錡幕，諫殺降卒，大為錡所重。入監登聞院，論事忤權貴，出知黃

州累贈中大夫。

丘壽邁

字其先，江陰人。父密仕宋，為制置使，簽書樞密院事。端平間，壽邁以父任授司農卿，偁寓

保寧卿白馬里
子孫遂占籍焉

丘鱗

字起潛連城人嘉定十三年特奏名
贛州贛縣尉有廉聲歸值紹定寇發郡檄攝城
令畫計禦寇率民登東田石全活者甚衆
招撫使陳鞞奏其功辟知邵武軍

丘烈

字希文常熟人以父澤主蕪湖縣簿
歷真州通判端介有守咸淳中為江東
安撫司參議官北兵至使者委印去城失
守烈獲印匿民間卒上于朝官至奉直大
夫

丘岳

字山甫有文武才官至兩淮制置使
誓死報國理宗御書忠實二大字以賜
封東海侯累贈特進

丘迪

字彥啟幼孤侍舅孟潼游匡廬白鹿洞
讀書受熊天慵義理之學不求仕進讓
自持所著有

王淵雅
著等書

丘舜中

為朝奉郎諸女皆能詩
兄弟內集必聯詠為樂

丘方

字正叔鱗之姪寶慶二年特奏名優於文學
素性耿介任寧都丞興學好士政教著聲焉

丘葵

字吉甫同安人風度凝然如振鷺立鶴早有志
于考亭之學宋末科舉解社門刻志厲學不求

人知號釣磯其
居在海嶼中

丘必明

保昌人少負氣節咸淳中進士官韶州僉判
德祐中元兵逼城下必明不屈為賊所殺白

血流地詔人哀其
忠節立祠祀之

元丘石

字介翁因所居鄉自號紫巖晚徙城中更號兩
溪貌古氣剛喜談諸早慕杜氏五高之為人後

從王定菴業詞賦接聞諸老緒論其學多所通
解自負甚高宋改物後隱居不出一意於詩出
入諸家豪宕激發氣骨蒼勁望而知其為山林
曠士一時言詩者皆莫能及仁山金先生嘗為
序其集云

丘處機

字通密棲霞人自號長春士元太祖乙酉歲
六月浴于東溪越二日天大雷雨太液池岸

北水入東湖聲聞數里魚鱉盡去池遂涸而北
口高岸亦崩處機嘆曰山其摧乎池其涸乎吾
將與之俱乎
遂卒年八十

丘定夫

字景游密四世孫元初錄宋故官嗣授田州
路總管府經歷遷武龍州同知以疾不果行

與兄揚州教授景唐弟淞陽縣丞景南三人同
居一門之內怡怡如也二子堅基皆為儒官克

世其家云

丘一中

字履常橫山人能文章有聲望仕至武學博士嘗添倅江州為閩帥汪紫源所知一中閒

居薪米不繼戲作自寬詩云仙都有物到林泉誰信祠官無俸錢陶醉猶能麾客去顏飢何至乞人憐鹿蕉已是今無夢拘杞曾傳昔有仙餓死亦堪垂不朽無緣箇箇珥貂蟬吳師道稱其拔多可愛

明丘錫

字永錫崇安人領洪武己卯鄉薦蒞事工科自陳願受學職除衡州教授永樂四年預修永樂

大典改衡州教授宣德七年又預修太宗皇帝實錄書成仍乞學職改建昌教授陞正九品秩自筮仕以來凡典文衡者五人稱錫為公性尤嗜學致仕猶手不釋卷卒年八十有六豪凡若

干卷

丘野

鄱州人洪武中以國子生擢廣東道監察御史激揚得體永樂初陞湖廣按察司副使御

丘弘

字寬叔崇安人以易經魁天順己卯鄉試登成化甲申進士第除戶科給事中嘗奏時政十二

條曰畏天戒容直言精選法抑奢僭通錢法息紛爭廣儲蓄憫窮民革弊政敦風俗公賞罰飭

邊備尋遭都給事中奉使琉球未出境卒

丘峻

字惟陟性行質直為大理評事據法審獄不畏強禦嘗丁外艱時有奸豪犯法持千金行賂峻

拒不受豪竟抵法家居苦貧素未嘗輕有干謁已而連丁內艱後起復任未幾病歸而卒

丘濟

字仲深瓊山人景泰進士改吉士授編修仕至少保戶部尚書武英殿大學士卒贈太傅諡文

莊濟好論議上下千古尤熟國家典故政事可否反復與大臣言官爭是非不肯媿阿所說能

以經傳濟其說對人語渌渌不休人無敢難者然性剛褊頗不為衆所與

丘陵

字志高蘭陵人宣德初鄉舉第一授平鄉知縣有惠政奏留復任陞淮安知府拾流遺舉節孝

興學勸農開墾荒田以治行卓異賜錦衣一襲燕禮部陞山西左布政使

丘經

字正夫安吉人弘治進士擢監察御史立朝敢言獨持風裁歷山東布政司右參議

丘吉

字天佑號執柔歸安人天性澹約朴素溫恭動遵矩矱善古文尤長於詩仰眺山谷情思飄然

有輕世遠俗之志世高其詞翰雖尺牘至今猶珍重之所著有執柔集

丘霽

字時雍都陽人天順進士成化中守蘇郡霽穎利強記意度恢廓舉事沛然重祀恤民養士正

俗治未一年
諸廢畢舉

丘泰

莆田人弘治進士授廣東新寧知縣性行剛果蒞政仁明決訟如流豪強廢跡以賢良稱

丘道隆

字懋之上杭人正德進士知順德縣嚴明果斷吏民畏服遷御史陞南雄知府嚴毅方正

事先大體嘗大書畏天悲人四字揭之座右以自淬礪

丘養浩

字以義晉江人正德辛巳進士歷官都御史

丘幾中

字時甫莆田人正德辛巳進士歷官至參政

丘擢

字懋實諸城人嘉靖庚戌進士夙有大志動以古人自期歷給事中剛直敢言不肯曲阿言事

罷官隆慶中歷
官太常寺少卿

尤 吳興徵音聞人避王審知諱而沈去水為尤

宋尤袤

字延之無錫人紹興進士為秘書丞權禮部侍郎孝宗嘗曰如卿才識近世罕有累官中書舍人兼直學士院內禪制冊皆出其手官至禮部尚書謚文簡所著有遂初小橐六十卷內外制

卷三十

尤焞

字伯晦袤之孫父槩工部侍郎焞端平初徵為將作監主簿後為淮西帥以儒者守邊威惠兼濟累遷工部尚書入為翰林學士卒八十三自號木石

尤台

字公輔安溪人八歲能屬文慶元丙子應童子舉中書試以公則說賦數刻而成詞藻絕出長不求仕達優游林石自號退翁而終

尤鶴

登進士第

尤絢

南劍人

尤仲

延平人紹興間任寧都令

尤昱

南劍人

尤彬

字叔文家貧苦學工詞賦有聲一時名士知崇安縣林澧特延為館賓葉堂王邁皆與之為友

陳立伯損伯傳澄皆師事之端平二年特奏名調真陽主簿卒于官同邑有喻時者字景山紹

定五年特奏名未老即掛冠隱居大飛山中以詩興郡人直龍圖閣陳宓相唱酬稱為三俊

明

尤安禮

字文度長洲人洪武初任貴州參議性沈厚明哲處患難不失守著元史輯要藏于家有

同學生陳文學遭戍以幼女托禮曰安禮在子
勿恤此吾有子當娶之已而陳亡安禮曰吾不

聘為子妻

尤夔

字堯卿嘉興人永樂初徵授睢陽丞攝縣事蝗

反牘曰蝗蝻非家蓄散邑豈能縱之苟有德政
召和弭災蝗將遠去變苟不德蝗亦復至敢讓
邕鄰邪傍愧服

尤樾

字宗陽長洲人
正德戊辰進士

尤魯

字懋宗無錫人嘉靖
壬辰進士應天府丞

尤瑛

字汝白無錫人嘉靖癸卯解元
甲辰進士任禮部主事歷參議

尤錫類

長洲人隆慶庚午舉人

尤光被

晉江人萬歷丁丑進士

游

廣平宮音鄭穆公子偃字子游後以為氏

周

游飯

字子明子儁之子

游吉

鄭大夫子明之弟

游良

子明之子

漢

游尋

御史大夫

游顥

司隸校尉

游況

見印

三游楚

為人慷慨歷位宰守所在以恩德為治不好刑殺楚為人短小而大聲自為吏初不朝覲被詔

登階不知儀式帝令侍中贊引呼臘西太守前楚當言唯而大應稱諾帝傾之而笑遂勞勉之

南游雅

字伯度廣平任人魏太武時與高允等俱有名累官太子太傅出為雍州刺史在任廉白甚有

惠政卒謚曰宣侯

游明根

字志遠雅族弟幼年遭難于櫟陽王氏牧羊以壺漿情人書字地上學之長安鎮將竇瑾

兄之以告雅雅贖之教讀書積學累歲雅薦之魏太武擢為中書學生累官儀曹尚書遷大鴻

臚卿

游肇

字伯始博綜經史謹厚端重任邢魏太守為政清簡為畿內大使煦陟善惡賞罰分明兼御史

中尉直據所學于吏事斷決反覆至于再三然後下筆雖權勢干請終無回撓方正之操時人之服

游邃

慕容廆股肱客

隋游元

字楚客明根玄孫父寶藏位至太守元少聰敏仕周歷壽春令譙州司馬俱有能名隋煬帝時

為治書侍御史遼東之役宇文述等收績元按其獄以公正稱奉使黎陽督運楊元感作逆元以正言諭之為所囚竟不屈節而死詔贈之官其子

游子遠

鄭人

唐游茂弘

字簡之崇仁人開元中南豐縣令恩威並行
截溪水為五陂溉田四千餘頃又鑿石渠以

溉枯田迄
今民祠之

五代游簡言

建安人父恭唐末進士仕楊吳為別駕負外
郎簡言少孤力學徐知誥鎮金陵辟掌文翰

及建國累遷翰林學士
吏部尚書進右僕射

宋游酢

字定夫建陽人與兄醇俱以文行知名師事河
南二程子第進士調蕭山尉累官監察御史歷

知漢陽軍和舒濠三州伊川嘗言酢君
德器粹然問學日進政事亦絕人遠甚

游師雄

武功人學于張載第進士為德順軍判官後
以破吐蕃擒鬼章累遷直龍圖閣知秦州蒞

官二十餘年嘗在邊番漢情偽將
佐才否以至山川險易靡不周知

游烈

字晉光邵武人幼以孝節稱從胡瑗學官至職方員外郎郡人知經學自烈始

游少

南豐人隆興間進士攝永興令郡吏督賦語侵少游少游叱曰刺史之政吾不忍為命杖

之又取宗室武斷者繩以法豪猾斂迹還知廬陵縣通判南安軍皆有善政官至朝散大夫

游汶

字治望德清人咸淳中歷江西江東福建提刑俱有能聲賈似道當國汶與論事忠誠懇切國

亡隱居元參政蒲大全薦為福建路總管固辭不就嘗大書衣背云前宋提刑今為百姓服之

以出入焉

游仲鴻

南充人淳熙初進士知中江縣制置使京鏗等薦之召赴闕宰相趙汝愚甚重之時光宗

以疾久不朝重華宮仲鴻遺汝愚書陳宗社計及孝宗登遐遂贊定大策後知嘉定有政績卒

忠 謚曰

游似

字景仁仲鴻子嘉定中進士累官吏部尚書入侍經幄帝問唐太宗貞觀治效何速如是似推

原以對淳祐中為右丞相兼樞密使自南充伯進爵國公卒贈少師謚清獻

游復

字執中建陽人居鄉以經學教生徒遊其門者多率德自好嘗舉于有司不第篤實純明後進矜式龜山楊時誌墓深悼其德學不大顯于時

游中孚

字大信崇安人博文強識春秋左傳漢唐史記成誦如流且能言其同異得失上下數千

載事纒纒可聽李光知宣州會李成擁衆攻城議遣官求援於岳飛道路阻絕察皆憚往中孚時為光門客慨然請行挾十騎由間道走太平見飛與飲屢起請飛曰君姑飲援兵已至竟陵

美園遂解事平光欲請于
朝官之中孚力辭竟不仕

游九功

字勉之建陽人用蔭補官嘉定中興元失利

判知鄂州召為兵部郎官入見首言守邊必先
結人心又言征役無藝以資苞苴囊橐而民心

失將帥腹削功賞不以時下而軍心失倚仗諛
佞諱疾忌醫而士夫之心失出知泉州端平初

名為司農少卿疏論奸貪多佚罰諸賢或號召
未至又論沿邊夫役之弊兼樞密副都承旨知

慶元府以循吏稱入權刑部侍郎丐祠再召不
赴除待制加寶謨直學士九功清慎廉恪與兄

九言自為師友講明理學號
受齋先生寶祐中謚文清

游應祥

字子善崇安人定夫七世孫祖伯祥因過武
夷澄川愛其秀麗遂卜居之應祥天資淳厚

博通經史無愧先世由
武夷直學士陞學正卒

游欽

字敬仲崇安人應祥長子定夫八世孫也幼授學
於家庭綽有父風以省劄為邵武縣主簿積拜
建陽縣尹撫字惟科各盡
其道民咸懷德逮今不忘

游操

字存誠紹興中與潘良沈介洪景伯俱為秘書
省正字同赴館戒少監秦熈于會食之次出

對曰潘游洪沈泛瀛洲有欲用絳繹繪維綰綸
綵為對蓋熙寧中韓維陳繹韓絳楊繪相先後
除學士也

游九言

字誠之建陽人年十歲即為文詆切秦檜受
學于南軒張栻累官至光化軍卒謚文清

游誠之

南軒高弟也嘗論太極無極聞者服其簡工
詩如東風未肯催桃李留得疎籬淺淡香平

生意思春風裏信手題詩不用工閒處謾
憂當世事靜中方識古人心句詩家所稱

游元

字淳夫直秘閣經之曾孫為人外和易而中介
持讀書必玩味欲知古人用心處尤深于易一

日讀坎卦有契幾忘寢食服膺象山之學論議
平實為文健瞻舉進士晚思按安化簿就攝邑
以理義訓道邑士議減泉司鐵課以利民邑鄰
溪峒凡訟關風化必懇惻開諭皆愧服再調贛
縣丞為長子鑒主
南嶽祠往就養卒

金游完

粵州人大定初歲荒完日賑贍三百餘口冬給
窮民衣襖五百套春秋以家財募人平治道路

二百五十里北至太湖嶺南至忻
口及其老也以仁愛心勉勵子孫

明游志遜

上饒人慷慨有俊才洪武間為廣西興縣丞
入朝應制賦詩最佳推監察御史舉劾不避

權豪嘗以忠直見稱後
拜四川按察司僉事

游子源

婺源人洪武壬戌年舉明經授蘇州府吳江縣學教諭壬申秩滿遵紀善訓清江王世子

時太祖高皇帝寵愛諸王師傳皆選耆儒為之特命禮部侍郎一吏部侍郎一內史二與馬

儀旂以送王府僚屬從王世子出迎始行君臣禮終行師生禮榮遇殊厚既而以老疾辭

游欽祖

字君卿曹州人洪武元年以賢良舉知崇仁縣嚴敏峭直吏不敢欺時版籍未明民有一

戶應數十戶差役者乃遣青黃二冊歸併之田糧既明民無重困

游芳

字蘭仲婺源人幼年有至性受學汪仲魯仲魯為其讀書之室曰初月梅軒避難讀書三年不

出戶通五經精博物理嘗兩預鄉薦不利隱居教授以師道自任所編有皇明雅音三十卷

游明

字大昇南昌豐城人天順中為福建按察司僉事奉勅提督學校待諸生有恩義而尤以公廉

著稱滿九載進副使仍提督學校未幾成化間卒八郡諸生皆為位于僧寺而哭之

游居敬

字行簡南平人嘉靖壬辰進士歷官刑部侍郎

游震得

字汝潛婺源人嘉靖戊戌進士歷官都御史

游天挺

字士達鎮海衛人嘉靖庚戌進士歷官行太僕寺卿

鄒

范陽商音子姓宋閔公之後正考父食邑于鄒生叔梁紇以邑為氏

周鄒衍

盡忠事燕惠王王信諛而繫獄衍仰天大哭夏月為之降霜燕有寒谷不生黍稷衍吹律而暖

氣生適梁梁王郊迎適趙平原君側行撤席適燕燕昭王擁篲先驅其見禮於諸侯如此

鄒忌

以鼓琴見齊王王喜之後為齊相齊有三鄒子前鄒忌次鄒衍後鄒奭

漢鄒陽

齊人景帝時仕吳以文辨署名吳王陰有邪謀陽上書諫不納去而之梁從孝王游被譖下吏

從獄中上書王立出之卒為上客

鄒長倩

公孫弘之故人也舉弘賢良貧不能起鄒以衣費備之又贈生芻一束素絲一縑撲滿一

枚遺書曰芻束則謹心縱則驕絲積微至著善雖小而為大撲滿土器所以畜錢有入無出則有傾覆之敗今世傳三事喻

晉鄒湛

字潤甫新野人父軌魏左將軍湛少以才學知名仕魏歷官太學博士晉泰始初轉尚書郎深

為羊祜所器重累官散騎常侍國子監祭酒所著詩論數十篇

鄒捷

為散騎常侍金谷二十四友中人

南鄒誕

輕車都尉著史記音三卷

唐鄒游

與顏魯公友善顏之使希烈也游往送之魯公與蔡明遠帖云聞明遠與鄒游同來欲至采石

計其不久亦合及于淮泗之間坡送王子立詩云送行萬里一鄒游

鄒郁華

清虛服道非天地間氣江山炳靈則曷由纂鮒流光若斯之盛真卿幸承餘烈敬刻金石

以誌之

鄒保英

平州刺史萬歲通天初契丹入寇且陷妻奚率家童女丁來城不下詔封誠節夫人

五代鄒勇夫

固始人隨王審知兄弟入閩及審知王閩勇夫為陳大義奉梁正朔時南唐有併閩意而

歸化鎮適當要衝審知遣勇夫鎮遏之至則荆
榛滿目煙火僅百家勇夫招集流亡葺理宅舍

民襁負而至始遂生息五代干戈相尋是邑
獨不被兵人物蕃阜田野墾闢勇夫之力也

宋

鄒孟卿

字醇甫開禧登進士第除知豐城會興元軍
士張福莫簡亂殺制置聶子述總領楊九鼎

一陷朗州果州廷議孟卿文武全材授行軍參議
戰敗之簡自殺福請降官至四川制置兼茶

馬使時西北敵不敢犯邊被謫賜死
明年事白復其官謚忠襄得初葬

鄒應博

泰寧人開禧初登第實慶中監行在都
進奉院嘗知婺州為真德秀所薦之

鄒長孺

字齊賢泰寧人初篤志問學宋仁宗時與太
學試居上第聞父喪哀毀踰禮自京師至家

三千餘里跣足掃廬芝
生諸司以入行舉不應

鄒斐

字克恭泰寧人熙寧進士始學于劉彝元豐間又從楊時遊終宣城令有惠政民愛之

鄒極

字通中宜黃人治平中舉進士累遷至湖南漕時掌鹽法者爭以羨餘希進極條其不便遂罷

歸後擢度支貲外郎見執政議不合丐外除江西憲親喪服除曰吾讀書丐祿以娛親耳今既

孤可復仕乎力請致仕

鄒餘

字慎道臨川人元豐進士調通城令邑多豪猾餘至乃服化哲宗時為侍御史所陳十餘事皆

切大體其一辨析元祐黨人大臣不樂其言遂奉祠歸

鄒浩

字志完晉陵人以行義著舉進士為右正言上章極言章惇之罪哲宗廢孟后而立鄒氏復上

章乞追停冊禮惇詆其狂妄削官羈管新州徽宗立召為中書舍人蔡京忌浩再謫衡州別駕

尋竄韶州卒賜諡曰忠子柄從學楊時以薦編修累官知台州

鄒異

字士奇長樂人有孝行親歿於西山廬墓六年有甘露芝艸之應元祐三年舉經明行修有

司因改其里曰賓賢坊曰文行

鄒括

字仲發渠之弟元祐進士知寧化縣以愚信懷民知慶州適蔡京當國括以名節自重用退二

十餘年李洞在朝以書勸其出亦謝之

鄒近仁

字季友官龍陽丞嘗叩道于楊簡一再語而頓覺性至孝或干以利介焉弗受人告之過

斂衽服所當為雖強禦不畏所著有歸軒集

鄒夢遇

字元祥楊簡門人近仁從孫為人孝弟喜溫不形勸容周旋莊肅簡泰處事一于義而不

荀簡常曰心之精神是謂聖百姓日用而不知
鄒氏二子知之又曰二子庶幾自知自信者

鄒柄

字德夫紹興中擢御史上曰直臣之子
也使言事聳動四方亦足為國家之光

鄒定

字應可新興人寓居于筠有詩名嘗過杜工部
祠賦詩云疇昔哦詩憶耒陽茲因捧檄過祠堂

一生忠義孤吟裏千載淒涼古道傍自是風霜
侵病骨非干牛酒泥詩腸明朝解纜秋江上問

訊先生一辦香誠齋誌其墓云詩句自徐
師川上遡山谷以入少陵戶牖官奉議郎

鄒輓

字行之平江人安貧樂道脫去時習人咸重之
朱仲晦帥長沙道經平江輓謁之教以歸取四

書讀之於立身宅心自有得輓歸讀論
語即恍然有悟自謂獨得朱子之傳

鄒非熊

字宗望宜黃人淳熙十一年進士授樂昌尉
親獲強盜壯受賞不言攝邑事修復石渠以

溉民田諸司以才力奏辟曲江令非熊一意撫
摩獄無滯囚平反死罪十有二人邑為刻石改
知宜章值歲歉盜相挺而起非熊先為備得不
擾後除廣東提刑未上而卒年七十自號竹巖
鄒應龍字景初泰寧人慶元二年廷試第一累官至
資政殿學士簽書樞密院事既歸得遊憩之
所理宗親書南谷二字
賜之辛贈少保謚文靖

鄒景初
衡之子也慶元丙辰以春秋擢倫魁開禧初
為起居舍人與韓侂胄議不合出知贛州

鄒永年
字天錫為松滋宰山谷
有寄鄒松滋苦竹泉詩

鄒禮
字用和高安人世以儒名家禮才識明敏博聞
洽記尤練達條章當路嘉其才辟掾史執法平

允活人多陰德年三十四即歸隱惟以養親教
子為樂姚雲霄贊其影以馬少游比之總管張

公疇敬其為人薦諸
集賢賜稱德逸處士

鄒斌

臨川人博記敏識見陸九淵問平日何學以求
放心對一語契合制置使趙方嘗委經理三關

形勝措置有方至決魚湖訟平反
漢陽獄皆當人心所著有南塘彙

鄒柄

字德久晉陵人浩子弱冠棄科舉從龜山先生
游靖康初以元樞李公薦布衣補承務郎除編

修推給事中出守天台行其所學類多善政莊
外敏中與人不苟合前後奏議論列天下偉之

真能世其家者著伊川
語錄一卷文集二十卷

鄒元佐

精通五行有洪範
精極與旨五卷

鄒至

字致之新昌人授諸子
各一經號五經鄒氏

鄒補之

字公襲開化人淳熙初舉進士累官通判江寧府所著有兵書解宋朝職畧等書

鄒鳳

吉水人徙永豐少慷慨有大志從文天祥勤王為江西招諭副使聚兵寧都得數萬復興國永

豐二縣進兵部侍郎後走潮州文天祥被執乃自殺

元

鄒世聞

字聞達登州人貌魁偉有氣節用世襲授管軍百戶戍抗海寧其地瀕海軍府歲遣一百

戶之兵鎮之瀕海竄民多私鬻鹽而禁甚重世聞分鎮海寧民有犯者例與管民官共理管民

官欲竟法世聞曰民私鬻鹽以貧耳法雖重情可矜也卒不竟法民至稱為鄒父會張氏陷浙

西見元官有從逆者世聞切齒罵不絕口後屏居峽石元亡不食而死其妻李氏以知禮聞

鄒伯顏

字從吉為建寧崇安縣尹有惠政

鄒谷

諸城人大定中進士累官刑部主事大理寺丞
爭論情法折正疑難後歷定海泰寧軍節度使

明鄒瑾

吉安永豐人洪武二十七年遇金華王紳紳稱
瑾志篤才敏議論磊落可喜忠義人也嘗遊成

郡都人士皆願與瑾交洪武末薦至京建文二
年為大理右寺丞北兵至不屈死之或曰四川

江津人洪武中以經明行修薦起縣學教
諭遷監察御史歷陞都御史死建文之難

鄒魯

盱眙人洪武中以聰明正直舉授河內縣簿尋
以事降為會稽縣典史耆民奏其廉能遂陞知

縣既而廣寧衛鎮撫趙興以公事至縣為人請
求魯執法不從興遂誣奏逮至刑部事直上嘉

其有守特陞為大
理寺丞賜鈔襲衣

鄒矩

字元方宜黃人博學工文與涂幾齊名人稱鄒
涂洪武初以通經儒士薦任南城縣學訓導有

文集

鄒奕

字弘道吳江人秀目美髯貌若玉雪議論英發
文詞高古至正中登進士洪武初知贛州府謫

甘肅尋

召還

鄒亮

字克明長洲人少喜名善為文援毫無停思然
輕俠無行嘗薄游為人所擊侍郎周公忱見其

文愛之誨之學遂刻厲稱博絕況守鍾薦之授
從事吏部已而遷御史既酷嗜書時雖散快然

頗有存者所得故宋時本皆完全與湯允績諸
人共集湯氣豪見亮不覺自折下之詩與劉溥

相若亦相服也有漱芳諸集二十餘卷他所
撰未成者衆弟順仕至辰州守亦有能詩名

鄒濟

字汝舟餘杭人為人和易不見崖岸舉明經授
本縣訓導薦入翰林與修洪武實錄總裁永樂

大典累遷左春坊左庶子寵賚甚厚尋陞少詹事卒之日家無餘貲惟藏書數千卷而已贈太

子少保
謚文敏

鄒緝

吉水人洪武間以明經舉累官至翰林侍講魚左庶子以文學名重于時

鄒師顏

字希賢宜都人洪武間以國子生擢兵部主事永樂間陞大理寺丞洪熙初陞禮部左侍

郎未幾病疽卒家貧不能歸喪朝廷惜之給官舟載歸顏小心謹畏廉介自持蒞事周密人不
敢干以私云

鄒昱

華陽人洪武中由太學生歷官有能聲終湖廣右布政使

鄒朴

字爾愚永豐人洪武中以儒官仕周藩以直言極諫王不聽禁錮甚密後王謀逆朴以諫免上

嘉其忠義陞為御史
北平師至不食而卒

鄒銳

字克剛蕪湖人由監生永樂初任河南按察司副使轉貴州布政司左參政尋陞通政居官既久家無厚積年八十餘卒于家

鄒烜

字允輝建安人按山西道御史時有奏江陰侯不法者上命烜鞠之盡得其情誘以勢利弗聽竟坐銜左遷銜經歷終沔陽州知州致仕

鄒以信

永樂初知無為州在任處事精詳政尚德教不事苛虐郡人感化以博學能文稱之曰文

章太
守

鄒來學

字時敏麻城人宣德間進士歷戶部員外郎中從征麓川有功轉通政司參議督儲山海

關正統己巳虜犯京師擢僉都御史提督軍務
巡視畿甸諸關隘整戎分屯邊務俱舉陟副都
御史巡撫南畿上疏極言民災請留京師備賑
復輸運以省勞費時善其議未幾以勞還疾卒
葬諭

鄒幹

字宗成濟子正統進士仕至
太子少保禮部尚書謚康靖

鄒允隆

光澤人正統進士歷太常寺丞凡大典儀文
卿佐不能決者率取正於允隆往諭安南酋
夷懾服未幾以學行
稱廣東提學僉事

鄒智

字汝愚合肥人成化鄉試第一丁未進士改吉
士以直諫謫石城州吏目卒年二十六性穎敏

剛直敢言諤諤之氣百折不回
彼患得患失者可以愧死矣

鄒軒

字公輕餘姚人弘治丙辰進士任給事中

鄒文盛

字時鳴公安人弘治癸丑進士歷尚書謚莊簡

鄒守益

字謙之安福人正德進士第二授編修仕至國子祭酒致仕卒贈禮部右侍郎謚文莊子

義舉人順天府通判善丙辰進士任山東左布政孫德誦辛未進士刑部主事德溥舉人

鄒琥

合肥人正德中任撫州府推官宸濠之變領兵赴軍門卒于軍中

鄒守愚

字君哲莆田人正德進士才優學博德盛禮恭知廣州府樂於育才煦登巍科擢副使有

事安南招服算無遺策累遷副都御史戶部侍郎贈工部尚書謚襄惠

鄒堯臣

字廷俞趙州人嘉靖丙戌進士歷參政

鄒察

字明卿常熟人嘉靖癸丑進士歷工部郎中
性至孝兢兢持身志向明速惜未竟其蘊卒

牛

隴西宮音宋徽子之後司寇牛文以字為氏

周

牛剪

趙武靈王將軍

牛談

趙簡子家臣有勇力

牛犇

秦人

牛缺

秦大儒

牛節

漢護羌校尉

牛哀

見淮南子

牛君

牛賞

牛曾

並見
印數

牛邯

字孺卿狄道人隗囂將有勇力才氣雄於邊垂及降拜護羌校尉與來歙平隴右

晉牛金

仕晉時有繼馬之識宣帝酖之而愛妃通小吏牛生元帝

南
北
牛夷

後秦
大夫

牛弘

鵠人本姓蔡父允後魏侍中賜姓牛弘性寬裕好學博聞隋初為秘書監請開獻書之路修

五禮立明堂帝善之拜吏部尚書選舉甚稱弟
弼
弘
酒
嘗
射
殺
弘
駕
車
牛
妻
屢
言
之
弘
不
以
為

意但曰作脯
其性度如此

唐牛僊客

鶻人累官河西節度使能勤職業玄宗擢拜同中書門下三品僊客為相謹身無他唯

唯恭愿而已
後封幽國公

牛僧孺

字思黯鶻人弘之裔第進士憲宗時以賢良方正對策條指失政累官御史中丞穆宗

時同平章事敬宗立封奇章郡公終太子少師諸子蔚叢皆第進士蔚子微亦舉進士累官刑

部尚書致仕
家于樊川

牛元翼

趙州人材果而謀時與傅良弼冠諸將王廷湊叛穆宗以元翼名出廷湊遠甚自深州刺

史拔為深翼節度使以攜其軍廷湊卒無所濟後加檢校工部侍郎

牛蔚

字大章僧孺子屢條時政宣宗謂人曰牛氏有子矣歷檢校兵部尚書

牛堪

元和中大學士也及第歸韓愈作序送之

牛存節

字贊正博昌人為人不强忠謹太祖愛之後以戰功拜亳州刺史為將法令嚴毅而

善得士心

牛鳳及

長壽中撰唐書斷自武德終于弘道為百有十卷

牛叢

字表齡僧孺子第進士隸藩帥幕府任補闕數言事會宰相請廣諫貲宣宗曰諫臣惟能為可

奚用眾耶今張符趙璘牛叢使朕聞所未聞三人足矣

牛徽

蔚子舉進士為吏部員外郎杜干請清鑑法父道病徽與其子扶其與遇監擊其首持與不息

盜賊之徽拜曰親老願以身
代盜釋之後為刑部侍郎

五代牛希濟

蜀臣也降於後唐明宗召賦蜀主唐詩云唐
主再思新日月蜀王難保舊山川明宗曰不

忘君親
忠孝也

宋牛富

霍邱人勇而知義為侍衛馬軍司統制戍襄陽
移守樊陽累戰不為岫城破率死士百人巷戰
過民居燒絕街道以頭觸柱赴火死贈靖江軍
節度謚忠烈裨將王福曰將軍死國事吾豈宜

獨生亦
赴火死

牛皓

福津人仕為川陝宣撫後軍中部將紹興初金
人寇秦川吳玠遣諸校分同皓至瓦吾谷遇金
將乃與所部下馬戰金人
見皓意欲招之皓力戰死

牛宏

紹興十四年甲子由進士授永新令蒞任庶以持已惠以及民元注意學校秩滿遷右秘書丞

牛臯

字伯遠魯山人初為射士戰敗金人累遷蔡唐州信陽軍鎮撫使後為岳飛部將復隨克襄陽

擒楊公以功最除擢日天武四廂指揮使馬步軍副總管轉寧國承宣使紹興十七年上巳日

都統制田師中大會諸將臯遇毒亟歸語所親曰臯年六十一官至侍從即死無恨所恨者南

北通和不以馬革裹屍顧死牖下耳明日卒或言秦檜使師中毒臯云

牛大年

字隆叟揚州人慶元初進士歷仕州縣清操凜然知黎州治鎧甲增科錢以優郡兵會大

水即以私帑賑民比還朝一夫荷擔而已郡人歌之官至寶章閣待制

元

牛光祖

襄陵人以才辟總管府掾授戶部主事後累遷雲南行中書省參知政事

明牛諒

字士良樂平人徙居烏程洪武中歷官禮部尚書典禮多所裁定

牛衡

永樂中胙城知縣清慎有為勤于撫字案牘詳明期年之間民無游惰盜賊屏息去任民心不忘

牛景先

禦北平兵數有功金川門失守景先變姓名易服出走死蕭寺中已而窮治齊黃黨逮景先妻妾發教坊司

牛偉

山東東平州人由監生成化十一年任邯鄲縣丞以廉介自持有才幹勤于職業掌馬政芻牧

有法孳息蕃盛甲于他邑民有餽遺者力辭不受而煦育惠愛日下于閭閻歷任五載恪守官箴終始不渝以疾卒于官民感德為立祠

牛倫

字大經涿州人景泰甲戌進士歷官光祿寺少卿

牛鸞

字明世獻縣人正德戊辰進士歷按察司副使

牛天麟

字文祥聊城人正德戊辰進士歷都御史

牛鳳

字道徵葉縣人正德辛未進士歷行太僕寺卿

牛斗

字雲章山陽人嘉靖乙未進士歷主事

牛山木

字子美曲州人嘉靖癸丑進士歷按察司僉事

牛鏡

字公照獻縣人嘉靖丙辰進士歷官副使

樓

氏今東陽多此姓
祀國徵音夏少康之佐周封祀東樓公支孫以樓為

周樓緩齊相

樓蝗大尚書

漢樓望雍邱人治嚴氏春秋累官中郎將教授不倦稱為儒宗諸生著錄者九十餘人

樓君卿元成時人當時五侯貴客各有所厚惟樓卿與谷永五家俱為上客每旦饋送不輟

樓護齊人父為世醫護舉方正為諫大夫使郡國上書求上先人冢過齊會宗族故人各以親疎與

東帛一日散百金之費使還奏事稱意摧

樓煩漢善騎射者曰煩楚挑戰三合輒射殺之羽大

壁

三樓玄

沛人事吳主孫皓從九卿侍衛正身率眾奉法而行應對切直數忤皓意後人誣玄謗訕政事

命送廣州華覈言玄清忠奉公冠於當世乞赦前愆責其後效皓疾玄聲名徒交趾殺之

南樓龍兒

安州都將因庫莫奚犯塞擊破之

唐樓鑰

趙宋人善書高宗時大學成奉勅書扁

樓穎

詩人

宋樓炟

永康人政和間進士由國子博士遷殿中侍御史言論多見採納官至簽書樞密院事兼權參

政歿謚襄靖

樓郁

字子文奉化人慶歷中詔立學舉郁為教授郡人翁然師之後登進士官大理評事

樓異

字試可奉化人元豐進士為鴻臚卿直秘閣後改知本州墾廣德湖為田七百二十頃官至徽

猷閣待制

樓鑰

字大防奉化人郁五世孫隆興初進士累官中書舍人遷禮部尚書抗疏論韓侂胄遂投劾去

後名為參知政事卒贈少師謚宣獻鑰質直而和粹所薦多名士號攻媿主人有文集百餘卷

樓昉

鄞縣人紹熙中進士昉與弟炳俱以文名少從呂祖謙學號迂齋其文汪洋浩博從學者凡數

百人嘗集古今文名曰崇古文訣

樓海

以司法權宰清遠峒寇一夕入縣治倉卒告變海挺身出諭被害事聞有詔褒贈邑人祀之

樓觀

台州人舉進士與兄覺皆知名當時號二樓官至大理少卿

樓演

鄧縣人實慶中知崇德有吏能究極弊端疏刷之

樓大年

字元齡義烏人朱熹弟子舉進士歷知遂安南昌所至多善政每解印綬去攀轅臥轍者

綿亘道路初理宗降訓廉謹刑二銘大年撫古之可法戒者二百事疏之號銘心偶錄藏于家

樓閱

婺州人治平間知宜興縣有能名濬治陂塘溉田甚廣

樓鏐

字巨山淳熙中知江陰軍以儒雅飭吏以仁愛字民修建貢院加惠學者人多稱慕

明樓璉

字建連金華人嘗從宋濂學洪武中以儒士召歷宣寧仁壽主簿藍田知縣擢廣東道監察御史

諫譴戍雲南建文君嗣位屢下詔求賢璉以文字舉入翰林侍經筵官至侍讀北平兵入京文

皇命方孝孺草詔孝孺哭且罵授之筆擲諸地曰身可死詔不可草改命璉及王景璉惶懼不

敢辭歸而填闕妻子問之曰得無傷方先生耶
建愧曰我受刑猶可正恐累及爾輩耳逡巡一

夕自
縊死

樓得達

鄧人性尚閒雅博於文藝於奕則稱專門永
樂初驛召至京偕江陰相予先入覲予先自

謂天下無敵手視得達蔑如也上命二人對奕
顧中貴官密取紙畫冠帶至局下得達累奕累
勝遂啟而視之
命吏部給冠帶

樓澄

字文淵父紹自鄧徙吳蚤從貝翔學深於書晚
更吟易夏原吉與論水利欲薦之以疾辭有林

阜鼓缶集子曰宏
孫序皆以文學稱

樓澤

浙江人正
統進士

樓東

浙江人成進士

樓懋中

字敬甫江都人正統戊辰進士歷郎中

樓觀

字國充江都人正德丁丑進士歷副使

樓鎮

字子安義烏人嘉靖丁丑進士歷參政

婁

譙國商音鄰婁國之後因氏又有尺婁氏改為婁虜姓也

周婁悝

齊大夫

漢婁敬

齊人以布褐見高帝說帝都關中賜姓劉拜郎中號奉春君匈奴入寇帝欲擊敬言不可帝不

聽後果被圍七日始得解帝謂敬曰吾不用公言以困平城乃封敬為關內侯號建信君

婁壽

字元考南陽人幼而岐嶷有志行好學不厭棲遲街門樂以忘憂郡縣屢辟皆不應周人謚曰

玄儒先生

南婁提

魏獻文時為內三郎獻宗暴崩提謂人曰聖主升遐安用沽為遂引佩刀自刺幾死文明太后

詔賜帛二百匹

婁幼瑜

字季王金華人吳侍中玄六世孫聚徒教授不應徵辟為臨川王映所賞異著禮記据拾

三十卷又撰禮記摭遺別記一卷文集六十六卷

婁寶

代人明帝時為朔州刺史時邊事屢興人多流散寶至招集之舊宅殘缺者悉與完葺流民聞

之皆來歸續為天下最

唐婁師德

鄭州人舉進士累官檢校豐州都督進同鳳閣鸞臺平章事卒諡曰貞師德深沈有度量

善知人人有忤已輒避以自免為將相三十餘年恭勤樸忠以功名終

宋

婁機

字彥發嘉興人學談經史乾道初進士為鹽官尉調含山主簿以治績聞累遷吏部侍郎兼太

子左庶子累進諫言多所裨益後除參知政事以資政殿學士致仕卒

婁壽

紹興三十年以奉議郎知崇安軍事政事之暇喜為歌詩官至少師

婁寅亮

字晦明永嘉人政和進士為上虞丞建炎四年高宗至越寅亮上疏請選武陵之後帝讀

之感悟樞密富直柔薦之紹興元年召赴行在以其言宗社大計擢監察御史時秦檜以其為

直柔所薦惡之諷言者論廢

婁暄

婁昞

俱臨清人登科

婁汝勵

臨清人登科

婁南良

字德剛臨川人咸淳進士授吉州法曹與弟文輔子志淳皆以德名臨川家世儒雅忠厚

者惟婁氏
饒氏焉

明
婁觀

洪武末鄆陵知縣民多豪猾難治觀選邑中老成人素信服者使陳德義以勸諭之遂皆感化

又貧民負稅者捐俸置酒殷
諸其富者貸輸之民懷其德

婁大方

奉化人洪武初為撫寧知縣奏徙縣治措置得宜民懷其德

婁添麒

湘潭人
宣德舉人

婁芳

字永文
會稽人
天順庚辰進士
任御史

婁諒

上饒人
與陳白沙莊定山賀鑾間羅一峯胡敬齋陳泉南張東白書傳面訂日裨益以成深造

婁良

字至善
河南人
正統進士
授刑部主事
已從駕北狩
首帥脅以刃辭色益厲敵重其節釋之

歷官右副都御史

婁璿

東陽人
成化五年為順德令
性剛果好摧折權勢
政自已出典案老奸不敢過縣門事有統紀

獄無留滯口不言錢聞貪污者雖上官及僚必放聲唾罵其直類如此

婁謙

字克讓
上饒人
成化進士
任御史提督學校以躬行實踐為教士類風動時汪直勘事至謙絕

不與接歷四
川布政使

婁性

江西人弘治進士

僂

見通志

周

僂堙

齊臣死于
崔子之難

萬姓統譜卷六十二

欽定四庫全書

萬姓統譜卷六十三

明 凌迪知 撰

下平聲

十一尤

侯

上谷角音晉侯婚之後適他國以侯為氏

周

侯宣多

鄭人

侯羽

鄭人

侯叔夏

魯人

侯犯

魯人

侯朝

齊人

侯羸

大梁人魏隱士嘗為夷門監者公子無忌延為上客秦攻趙魏遣晉鄙救之按兵不進公子患

焉羸教之奪晉鄙兵大破秦師于邯鄲

秦侯仙

世傳秦始皇遣盧生入海求神仙藥不獲盧與侯仙謀隱入邯鄲雲山有侯仙跡盧仙影秦人

古道煉丹井飛昇臺掃壇竹皆其遺跡

漢侯公

高祖遣之說項羽中分天下

侯嘉

濟陰人哀帝朝以龔勝薦徵為諫大夫

侯剛

新繁人仕為郎王莽篡位剛佯狂負耒斗守闕號哭莽使人問之剛曰漢祚無窮不忍傳非主

也莽殺之

侯勝

始昌族子少孤貧好學從始昌受尚書及洪範五行傳嘗曰士病不明經術經苟明取青紫如

拾地芥宣帝朝為諫議大夫遷太子太傅

侯邑

鉅鹿人少肆力于學壯遊四方聞揚雄博覽經史往從之遊雄授以太玄法言邑得其旨焉

侯霸

字君房河內密人於嚴有威容治穀梁春秋累官淮平大尹更始徵霸百姓號哭遮道乞留尤

武初徵拜尚書令積善清潔明習故事進大司徒封關內侯薨謚哀侯

侯瑾

字子瑜以禮自牧獨處一房如對嚴賓作場世論以識切當時西河人敬其才而不敗名之皆

稱爲
侯君

晉侯史光

字孝明振縣人受學于同縣劉夏舉孝廉爲散騎常侍兼侍中與皇甫陶荀爽持節循省

風俗及還奏事稱旨累遷少府卒
詔以其家素貧賤賜錢五十萬

侯馥

江陽人舉孝廉爲本郡太守後爲偽蜀李雄將所獲馥不屈雄義而釋之

南侯植

北地三水人少惆傥仕魏爲義州刺史從孝武西遷破沙苑平江陵以功累進大都督封沂源

縣公

侯瑱

西充人梁時累平蜀賊後敗侯景有功遷南豫州刺史鎮姑孰又鎮豫章歷進司空太尉率兵

敗王琳軍詔都督五州鎮湓城尋以功封零陵郡公卒贈大司馬謚莊肅

侯安都

字成師曲江人善騎射為邑里雄豪侯景之亂陳武帝入援臺城安都引兵從之遂平侯

景以功授南徐州刺史後進爵清遠郡公威名甚重羣臣無出其右

侯天護

上谷人少好學博通羣籍與無終陽尼頓邱李彪同志齊名

侯深

仕魏莊帝為燕州刺史時葛榮別帥韓樓郝長等叛據薊城令深討樓遇賊帥陳周馬步萬餘

大破之以功賜爵為侯

隋侯白

字君素臨漳人好學有捷才以秀才舉為儒林郎高祖聞其名召與語大悅令于秘書省修國

史每將推之輒曰侯白不勝官而止後給五品食月餘卒時人傷其薄命

唐侯君集

三水人以材雄稱從太宗征伐有功平高昌刻石紀功而還封潞國公圖形凌煙

侯仲莊

蔚州人為定武將軍擒安太清有功累加冠軍將軍僕固懷恩叛仲莊訓兵自守德宗幸

奉天遷左衛將軍留鎮奉天者幾二十年

侯思止

為高元禮奴唐武后朝因告舒王謀反罹避擊將軍后問識字否對曰解字不識字而能

觸邪后大悅食龍餅必縮葱加肉號縮侍郎

侯固

大中間濠州刺史奏乞增桂桑無加稅刻石定遠縣門

侯喜

元和中中有詩聲與軒轅彌明指石鼎聯句彌明好句層出喜大服

侯繼

貞元中及第號龍虎榜齊簡王鐔為河南尹辟繼為參謀官愈送以詩云君今得所附勢若脫

鷹韝

侯蒙

知栢鄉縣民訟皆決於庭獄
無淹繫轉運使黃湜薦用之

五代 侯益

汾州平遙人晉天福四年晉祖追念虎牢之功
遣武寧軍節度同平章事遣侍中謂益曰朕思

卿前年七月九日大立戰功故復以此月此日
從卿鎮彭門九月徐州大火益出金粟賑之

侯仁矩

漢隰州刺史至郡決滯訟一日釋
繫囚百餘獄為之空民情悅服

侯弘實

年十三四夢為虹飲于河數月有
僧相之曰此蛻龍也後為節度使

宋 侯章

榆次人五代晉時為指揮使契丹入汴與王晏
等斬其將後歸漢擢鎮國軍節度周封申國公

從世祖北征再為武勝
軍節度宋初封楚國公

侯贊

太原人初為三門發運使掌其事三十年國用
無缺開寶中歷知建安軍揚徐二州皆有政聲

太宗即位移守福州累遷右衛大將軍知靈州得邊士心郡內大治在朔方十餘年卒贈上將軍

侯仁寶

平遙人孟子仁寶以蔭入官出知邕州太宗時上言取交州之策授交州水陸計度轉運

使子延齡殿中丞延世太子中舍

侯延廣

平遙人太宗時出護延州軍及李繼寇靈州以為寧州團練使戎人素服其威名皆引避

及被病言家世受國恩今日得死所但未立尺寸功以報上耳言訖而卒

侯宣

衡山人少遊四方還家築室道傍俾遊學之士往來館焉行之二十年曾無倦意遠近號曰侯

家書院

侯彭老

字思孺永新人至和初由司門外郎謫知邑事以政績彰著復召為刑部郎中

侯陟

淄州長山人初仕周為雷澤主簿濮陽令太祖時為冤句令以清幹聞節度來彥頗為不法陟

抗章言之尋兼領本縣屯兵

侯延賞

延平間為施州巡檢使蠻民懷服真宗嘗召問蠻事延賞言蠻無他求惟欲鹽耳乃召蠻

路轉運使丁謂措置謂即傳告陬落羣蠻感說因相與盟約不為寇鈔且曰天子濟我以食鹽我願輸以兵食自是邊穀有三年之積

侯畱

字道子樂清人三貢于鄉兩試轉運使皆第一以武舉授合浦尉寶元中通判海州李松壽寇

連泗畱鑒城下死之闔室遇害海州及其鄉皆立廟賜額旌忠謚節毅所著有霜厓集

侯叔獻

字景仁宜黃人有志節舉慶曆進士累官兩浙常平使者兼都水監建議至提舉屯田司

相地利引樊山水灌地四十萬頃遷河北水陸轉運判都水監治水尤得其性有詔獎諭

侯可

僉書儀州判官西夏寇邊使者使可按視即以數十騎涉夏境猝與之遇亟分其騎為三四令

建旗幟旋山徐行夏人疑以為誘騎不敢擊

侯仲良

河東人父道濟娶程珣女仲良呼二程為舅氏從之游人欲館仲良者仲良見其家壁垂

佛像几積佛書即去之稱其學清白勁正

侯仲逸

金壇人天聖中創書院於三茅而以身任教事仁宗嘗賜東帛鄉人以先生稱之

侯晉升

字德昭曲江人元豐中舉進士為程鄉令與蘇軾往還軾與一帖云蒙示新論利害炳然

文亦溫麗歎服不
已仕終南恩太守

侯蒙

南密人舉進士歷殿中侍御史因星變疏十事
徽宗納之西師失利帝將責五路將十八人皆

冀死蒙被旨按問力為申理帝遂釋之歷陞
中書侍郎與蔡京不協出典外任卒謚文穆

侯義

滑縣人家貧無產傭以事母母卒義不能殯畫
則負土築墳夜則哭於柩側踰年墓間木生連

理野鵠馴而不去嘗盜劫其
衣服既而知為義物悉還之

金侯摯

東阿人明昌初進士入官慷慨有為嘗以尚書
右丞行省河北上言宜開沁水以便饋運從之

盜起詔摯行省事于東平終
平章政事封蕭國公致仕

侯彥直

雅州人仕為忠翊校尉副千戶至元間王虎
寇州彥直引兵力戰于名山縣二日兵少力

弱為賊所擒義不屈
罵不絕口為賊所殺

明侯庸

字景中平度州人生七歲父坐累謫閩南稍長母告之故庸悲痛誓贖父罪洪武中舉進士拜

吏科給事中請納官代父辭甚哀切上憫之詔還其父庸至謫所迎歸尋陞吏部侍郎時學士劉三吾等

在職怠惰宜降別用上納其言

侯太

南和人累官至刑部尚書北平兵起太督餉山東東昌不守輜船陷沒還京建文四年又出淮

安總軍餉得便宜行事文皇即位太至高郵與其妻上高茅卯仔同執下錦衣獄是年七月死

弟敬祖子玘皆論死籍其家幼手京兒永樂九年尚繫錦衣獄

侯璉

字廷玉澤州人宣德丁未進士公勤智勇文武兼資正統間以兵部侍郎征雲南麓川平又以

貴州平越清平等處苗賊攻圍城池道路阻絕
命督征陞兵部尚書功垂成而卒雲貴兩省軍
民至今企慕之

侯禮

臨桂人永樂初知連州州有劇賊劫畧鄉村經
年不能制禮往諭之向化又有賊三百餘人據

高鄉又招來之悉
為編氓州遂無患

侯軌

安陽人登永樂乙未進士拜監察御史有能聲
歷遷福建按察司副使復陞四川左布政使政

績著聞

侯保

贊皇人以國子生為知縣有善政陞交州知府
尋陞交趾右參政為政廉恕時黃江賊黎和劉

掠郡縣保率民兵築堡禦之
賊來攻與戰而死人皆惜之

侯英

字世傑開州人仕至河南都憲與弟侃俱以孝稱年十二三時母鍾氏眼疾憂泣輟食每夜搢

首祈祐越四十九日疾愈後官江西按察使母死計聞號泣幾滅性奔還與侃同廬墓側有白

驚數千旦夕飛鳴堊前人以
為孝感所致有司以聞旌表

侯璿

字奉璣雄縣人景泰甲戌進士歷刑部尚書
子觀字士賓成化戊戌進士歷戶部尚書

侯珣

字成之白水人成化丙戌進士歷都御史

侯位

字士卿清浪衛人正德
辛未進士歷都御史

侯綸

字廷言太原人正德辛未進士歷兵部侍郎

侯度

字憲甫東阿人嘉靖壬辰進士歷兵部侍郎

侯佩

字天和杞縣人嘉靖壬辰進士歷太僕寺卿

侯一元

字舜舉樂清人嘉靖戊戌進士歷官左布政使

侯汝諒

字叔貞太原人嘉靖戊戌進士歷遼東巡撫都御史

牟

平陽宮音祝融之後為牟子國子孫以國為氏又望出鉅鹿滎陽

周

牟辛

齊大夫

漢牟長

字君高樂安人習歐陽尚書建武中為博士後為河內太守在郡諸生講業常千餘人前後多

至萬餘著尚書章句皆本之歐陽氏號牟氏章句

牟融

字子優北海安邱人博學以尚書教授門徒數百人舉茂才為豐令永平中入為司隸校尉多

所舉正百察憚之後為司空融明經才高議論
舉動方重甚得大臣節肅宗朝為太尉參錄尚

書

宋牟衮

鹽亭人受學于多岳舉進士後與用中義
先積中學先兄弟皆出仕號一門四桂

明

牟天壹

其先閬州人來居通州事母至孝好古博學
不喜作趨時之文母卒哀毀啜粥廬墓三年

與弟同居尺布
斗粟無所私

牟子才

字存叟并研人嘉定進士累官權工部侍郎
時丁大全與宋臣表裏濁亂朝政子才累疏

辭歸以御史誣劾罷官居安
吉州四壁蕭然人服其清介

牟經

登進士第

牟嶽

字獻甫吳興人富於學問天才俊偉有凌陽集

牟滌

字叔清晉江人咸淳二年知潮州修學養士除盜去奸邦人德之

牟應龍

字成父湖州人嶽子應龍當補京官盡讓諸從弟擢咸淳進士對策忤賈似道調定城尉

家亡不仕父子自為師友討論經學六經皆有成說以文章大家稱于東南號隆山先生

牟景先

陳州人

牟敏中

中江人家世孝友三代不分居

牟企

吉州人

牟冲陵

井研人

牟莘起

梓州人
俱登第

明

牟魯

莒州同知洪武初青州民孫古朴等聚衆為亂襲莒州執魯欲賜其降魯叱之曰今民皆安業

汝輩何為目取夷戮即悔過自新猶可轉禍為福不然官軍至汝輩寧有遺種乎我守土臣有

死而已所可惜者良民也賊未敢加害擁至城南鄒家莊魯大罵賊遂殺之賊聞命厚恤其家

牟俸

字公爵巴縣人天順進士福建按察僉事行郡所至郡縣肅然後官至都察院僉都御史為汪

直所
害

牟斌

字益之京師人起旗校累官錦衣衛指揮使掌北鎮撫司事忤瑾廷杖革職瑾誅復任鎮撫忤

張雄安置武昌牟斌剛直忠毅司刑不屑阿徇兩遭奇禍怡怡若分然崔天敏稱正德中全臣

節者斌同于
劉博二公也

牟泰

字以貞巴縣人正德
丁丑進士歷知府

牟盛

字汝登江夏人正德
丁丑進士歷郎中

牟朝宗

字于海宜賓人嘉靖癸
未進士歷河南僉事

留

會稽衛大夫留封人之後

漢

留盼

功臣疆圉侯
遷居東陽

三留贊

字正明金華人與黃巾賊師吳相戰手斬之贊
創一足自後屈雙不伸操刀剔其筋血流氣絕

家人驚怖遂引其足足伸創愈駱統聞而奇之
乃表薦贊贊疊有戰功稍遷屯騎校尉直言不附

權右憚之隨諸葛恪征
東大敗魏師還左將軍

留略

都尉守東城後
為東海太守

晉留璠

江夏令

南留異

長山人太清間侯景逼臺城異募士隨太守沈
巡入援城陷異還鄉里景平後王僧辨以異為

東陽太守

隋留進

署管經
記十卷

留平

征西將軍

宋留從效

永春人少習兵法初仕南唐後事宋太祖為
清遠軍節度使封鄂國公凡賦斂之無名者

悲秦除之民感其德從弟從
惠性勤儉仕為揚州觀察使

留福

徐州人屢有戰功開寶間以觀察使判雄州凡
五年政尚平易民甚便之詣闕借留詔為立遺
愛碑卒贈節度使福既貴諸子欲治第福怒曰
我受厚祿矣足以庇汝曹卒日以身許國猶未
有尺寸效更欲居大第為自安計耶太宗聞
而喜之其卒也賜金五千兩市第卹其家

留從諤

永春人從效從弟淳化中為泗州長史有清
節官散俸薄雖藜藿不充未嘗妄干人太宗
聞之召赴闕特遷
揚州觀察支使

留正

字仲至晉江人從效六世孫第進士孝宗朝除
給事中兼權吏部尚書嘗言用人莫先論相望
精選人才與圖大計時相不樂除紹興府後為
四川制置使知成都府以簡素化民召除執政

孝宗密諭內禪意拜右丞相光宗立姜特立聲勢浸盛奏黜之紹興改元進左丞相謹法度惜名器毫髮不可干以私引用趙汝愚黃裳諸賢疏乞建儲不報孝宗疾篤數請光宗過宮正引裾泣諫孝宗崩光宗以疾未能執喪率同列乞早正嘉王儲位不報即出國門上表請老寧宗立遣使召還未幾以少師觀文殿大學士判建康府嘉泰初復元官進封魏國公卒贈太師謚宣忠

留恭

字伯禮正之長子通判廣州秩滿民疏惠愛二十年請留部使者薦知南康軍政以朱文公為法提舉浙西常平全活境內饑民三十六萬六千餘人除帥紹興號稱循吏改帥廣東擒寇竊發捕降其豪酋四十四峒悉平以直徽猷閣奉祠起知建寧府卒贈秘閣修撰弟丙端碩皆歷

州郡以才猷稱子元剛丙子元
治元鈞碩子元長元亮皆貴顯

留端

字端父恭之弟歷知邵州奏蠲和羅入為司農
寺丞使金察其勢必亡歸陳治邊策除度支郎

提點湖南江西刑獄移廣州請幣小鈔以弭鹽
寇端平中除直龍圖閣端厚有度正諸子中端
尤賢擬遺業三之一建義庄贍從效
直下諸孫之貧者子元英元圭元崇

留碩

字李膺恭之季弟歷官知南恩州言南州郡兵
弱乞刺填軍額以備不虞理官縣尉乞數官簿

少授註毫繆者知岳州講荒政閭租稅民便之
為大理寺丞請立武庫辟額試于諸路帥府中
則試兵部事雖不行論
者是之以知建昌軍卒

留元亮

泉州人淳祐間知縣事有
仁惠及民民立祠祀之

留元剛

字茂潛正之孫博聞彊記為文奇峭開禧三年試博學宏詞科嘉定初為秘閣校理累遷

直學士院除起居舍人元剛蚤負盛名已乃鬱鬱不通築園北山號雲麓有雲麓集

留元圭

字粹中忠宣公之孫以門蔭授承事郎知建安縣獄有重辟久不決元圭一閱即得其情

均徭省訟治蹟為諸縣最

留元英

正之孫嘉定中登第理宗朝為監察御史疏論試邑兩經罷黜毋得再補縣權攝州郡過

取事例置乏郡計乞敕監司按劾以聞連工部侍郎終實章閣侍制

留佑賢

延祐中任湖州刺史

留銘

漳州人

留毅

衡州人

留宗溥

字于仁青田人咸淳進士

留夢炎

參知政事後降元用事

元留孫

元世祖天下大定思與民休息留孫特詔尚方因論黃老治道貴清淨聖人在位有天下之旨

深契主意

明

留志得

留洲

留術

俱處州人永樂間舉人

留贊

西安人弘治中任寧都知縣

留志淑

晉江人嘉靖進士知杭州歷浙江右布政使

留敬臣

晉江人萬厯癸酉舉人

留震臣

晉江人萬厯甲戌進士

仇

平陽宮音宋仇牧之後今望出陳留南陽

周仇牧

宋大夫宋萬弑閔公牧聞之趨至手劒而叱之萬擊牧碎其首漢書游俠傳云若李路仇牧殺

身不悔

漢仇覽

考城人一名香嘗為蒲亭長有陳元者母訟其不孝覽以德言諭之元感泣遂為孝子考城令

王漢聞之舉署主簿尋資之入太學

三仇稱

豫州刺史

南仇璋

王通門人北面受王佐之道備聞六經之義

唐仇源

太宗時為即墨令築隄防水民免其害

家仇著

字仲均棠邑人仕至朝散大夫知梓州退居儀真私第建堂曰至樂

仇博

字彥文新安人質敏博學善屬文父著知梓州嘗建至樂堂博年十三作記東坡見而奇之撫

其背曰後生可畏後應舉不第慨然泛舟沂采石謁李白祠與之對飲誅之以文有曰不知我

者謂我狂且逸知我者謂與君不同時飲罷別君去長江吞天紅日沈嘗作雪中失白馬詩

仇愈

字泰然，益都人。舉進士，歷鄆州武陟令。調高密，

出愈曰：吾當以死徇國，堅不為動。時令諸郡棄

城，退保愈。力陳不可，卒全活數州之衆。後知平江府，封益都縣伯。

仇伯玉

字粹夫，仕宋為戶侍。上奏牘乞致仕，云乞骸

樂之至

仇靄

登進士第

元仇濟

懷孟路總管興學，拯災民，思其德。

仇遠

字仁近，錢塘人。元初為溧陽州儒學教授。工詩，文一時避其門者若張雨、張翥、莫維賢皆有名。

當時所著有山村集批註唐百家
詩選洪武初祠于杭學鄉賢祠

明仇涇

高苑人洪武中以
人材舉任參政

仇敬

字仲立曲沃人洪武
辛亥進士歷知府

仇鎮

汾西人正統間知膠州仁起恭儉化民以德州
負祖墓於朝得免陞贛州知府去之日行李蕭

然民立
祠祀之

仇順方

南海人景
泰進士

仇仁

揚州人成
化進士

仇治

正德中江
陰知縣

仇鉞

正德中任寧夏遊擊將軍安化王寘鐸叛鉞陷城中欲起兵擒賊自効恐河東兵未集稱病臥

鉞蒼頭潛入城言副總兵楊英都指揮韓斌延綏副總兵侯勛遊擊將軍時源各率兵屯河上

廣武營都指揮孫隆焚兩壩掃捲河舟盡奪泊東岸矣鉞喜尚稱病臥說都指揮鄭卿等三千

人出覘渡口留昂守城昂問鉞病鉞指稱病不起伏諸蒼頭俛昂入殺昂鉞即起門一吁諸遊

兵壯士楊真等聞之即趨安化府殺朱霞等十人擒寘鐸及其子台潛遣古興兒密告鄭卿

令反正遂殺魏鎮等十人錦廣走追擒之賀蘭山外事平封咸寧侯

仇時濟

長治人為宿州吏目五世同居閨門百有餘口歡然無間嘗與弟時茂作仇氏家範以為

世守復與鄉人舉行藍田呂氏鄉約河內何塘稱其門有義讓之風云

仇忠

崑山人嘉靖中舉人任御史

仇炅

山西長治人嘉靖壬戌進士
四世同居世稱雄山仇氏

仇英

字實父嘉靖間蘇州人
工畫為人所珍

裘

本仇氏避難改馬又望出渤海何氏姓苑云衛大夫
食采於裘氏因以為氏今會稽有裘氏

周

裘牧仲

魯孟獻子友

漢

裘仲友

宋裘萬頃

字元量新建人有孝行節操學問粹然一出
于正登淳熙進士為樂平簿清聲播聞累遷

大理司直力求外補差江
西撫幹所著有竹齋詩集

裴仲容

會稽人事母至孝慶厯中母病亟仲容到骨肉餉母弟仲莊亦將到之聞兄已進乃止母

病隨愈時有祥雲覆其家人以為孝感

裴由庚

新建人寶慶進士

裴黃裳

虞部貢外郎

元裴廷舉

會稽人居雲門至正末兵亂與姪近忠團結其鄉斬木為鹿角至寨駐日嶺內設強弩聚

民守之敵至屢為所傷後夾攻之遂破與近忠俱被執不屈遇害

明

裴容

浙江人永樂進士

裴參

天台人永樂進士

裴恭

裴叔登

俱台州人永樂間舉人

裴賢

安慶人宣德五年任湖州府通判蒞政公勤愛民如子公退閉門以杜私謁寄出郊勸農慰勞

有方歲大稔卒于官士民哀之

裴壤

字本原慈谿人弘治癸丑進士歷參政

裴仕瀛

字子憲嵯縣人嘉靖甲辰進士歷官給事中

裴維新

富順人萬厯間宿州判官

求

本仇氏避難改焉

漢求仲隱士也與羊仲皆以治車為業性廉逃名蔣元卿舍中竹下開三徑二人常從之游時稱二仲

宋求利忠越州人登科

求循江陰司理

明求伯傑天台人洪武中任崇仁縣丞以清慎薦知郴州

求致

求穎富陽人洪武二十五年貢士

求琰字信圭浙江新昌人宣德中授九江府通判蒞政務崇寬厚時推刑者多刻琰曰立法雖嚴行

之貴恕民感之不訟值敕建天池寺督役者多擾民訴于琰遂躬督之赴工者欣然忘勞歲歛

勸富室出粟賑
之民賴全活

由

西戎由余相泰子孫氏焉

周

由余

著兵法六篇秦穆公用其
謀拓地千里遂霸西戎

漢

由廣國

平原相見
急就章

由彰

長沙太守
風俗通

金

由居敬

貞元間為陵川尹廉明正直政
教修舉時多瑞麥嘉禾之祥

明

由禧

平度州人景泰六年
貢士任王府奉祠正

由銘

河南人弘治中
任寶坻縣主簿

欽定四庫全書

萬姓綱目
卷六十三

十六

由亮

平度州人正德貢
士任汜水教諭

由禮門

杞縣人隆慶
辛未進士

由九峯

山東恩縣人萬曆
間山西沁州知州

歐

平陽商音

周歐冶子

善作劍越王聘之作五劍一曰純鉤越王以
示薛燭曰光乎如芙蓉始生曹植表云歐冶

改視鉛刀易價今潭陽縣南石屋
山西有鑄劍坑即歐冶作劍之所

漢歐寶

安城人居父喪鄰人格虎虎投其廬中寶以媒
衣覆之鄰人問寶寶曰虎豈可舍而藏之乎後

虎每月送鹿以助祭時人以
為孝能格禽獸寶之謂也

宋歐慶

乾德人以同三禮出身累官彭州推官知永春縣為人忠信孝弟居官廉貧宗族之孤幼者皆

養于家與同邑太博張士遜屯田郎中戴國忠雖位有崇卑而鄉人稱之無異及卒歐陽修為

表其墓于世英鄧城公世勛舉進士

歐道

字性之寧鄉人初舉進士不第遂隱居讀書于泉溪之石巖元將阿爾哈雅拔潭州欲屠城道

即仗策入軍門勸以勿殺或沮之曰吾以一身膏斧鑕夫何足恤萬一活萬姓之命吾惠博矣

哈雅納之辟荆湖行樞密院掌書記轉中書令史

歐海

茶陵人楊誠齋名重于時海持所作往往見令熟讀語孟丁酉復往見誠齋喜曰子非吳下蒙矣

是歲果登第

明歐文通

吳人洪武初以薦授南雄知府公勤撫字慈愛九年陞廣東副使

歐磐

字安石鳳陽人起家廣州右衛指揮僉事勦賊有功陞都指揮使奉命討番禺山盜不遺一矢

而盜尋殄息人以爲福將

歐復

平度州人由舉人宣德間來知衡水秩滿百姓連保留之陞從六品俸仍縣事後致仕去

歐道江

長樂人博學洽聞時譽大振四方從遊者無慮數千人卒門生刑部郎中王堅爲營墓葬之

歐輝

福建人正統進士

歐珠

漳州人弘治進士

歐思誠

字汝夫，蘭州人。嘉靖己丑進士，歷知府、弟思賢，字希甫，戊戌進士，歷副使。

歐大任

廣東人，萬厯間國子博士。

緹

周卿士食采之邑也。子孫改為緹氏。

漢

南緹進筠

南唐汀州刺史

明

緹賢

西華人，弘治中任曹州判官。

州

晉有州，緹州賔其先食采于州，因以為氏。

周州吁

衛公子

州綽

晉勇士奔齊莊公指殖綽郭最曰是寡人之雄也綽曰君以為雄誰敢不雄平陰之役先二子

鳴二子者譬于禽獸臣食其肉而寢處其皮矣

漢州輔

閩州人

州秦文

魏人

三國州秦

魏兗州刺史魏諸葛誕叛降吳遣文欽等救之牛翼帥三萬人為文欽增勢秦推異於陽淵追

戰破之

北南州韶

汝南人宋太始中隱身求志築室山中徵負外郎散騎侍郎皆不起

勾

勾芒氏之亂自宋建炎以來以避嫌名各不同有易其姓字者紹興進士勾聲是也有更其音者史館修

撰勾濤是也加金字者鈎光祖是也加絲者鈎紡是也加草者苟諶是也增為勾龍者如淵是也改為句者句思是也累世之後不復別矣

周

勾井疆

孔子弟子

三國

勾延慶

注錦里耆仙傳八卷

晉

勾鑰

參軍

南北

勾徽

著周易廣說

五代

勾景延

井研人湖南從事

宋

勾濤

字景山新繁人舉進士累官史館修撰後為湖北宣撫使知潭州秦檜嘗令人諭意欲與共政

濤辭乃上書論時事之害政者高宗歎其忠濤長身偉貌以忠亮自許料邊情如在目前知名

之士多所薦進有文集
西掖制書奏議數十卷

勾克儉
鄆人舉進士累官殿中侍御史出為河東路轉運使以忠清明敏聞

勾士良
少城人嘉祐間由秘書郎中以築堤捍江憂民慮遠

勾大章
士良之後嘉泰元年任中江募年修廢舉墜知無不行築石堤慮民患知周功備無忝所

先

勾穎
不知何許人紹聖初為真州教授作江行錄序云太守張公所修張不著名自真而上直抵荆

衡程期岸次風雲占候時日吉凶與夫港灘磯淤莫不具載江行者賴焉穎所著有厘石書

勾希京

知吉
州軍

勾希言

登科

勾中容

祥符
進士

勾昌符

皇祐
進士

勾麟

元祐
進士
俱成都人

明

勾銘

彭水人
永樂舉人

勾榮

鹽亭人
永樂舉人

勾天祿

思州府人
宣德己酉舉人

勾欽

隨州人正統中
任懷遠縣丞

勾輔相

馬平人景泰中
辰州府推官

勾宏

鹽亭人弘治
舉人

勾裕

渭南人弘治
中東明縣丞

勾永升

臨桂人嘉靖中
任樂至縣知縣

犖

晉大夫却犖之後

周犖縻

攸
見姓苑

南攸邁燕尚書

宋攸天佑嘉定間任福建宣慰使

明攸承安平人洪武中任御史

優優孟楚人也子孫氏焉

周優孟楚人

優旃秦人

優施里克謂丕鄭曰難將作矣優施告我君謀成矣將立晏齊

秋天水角音

上秋胡

納妻五日往仕于陳五年始歸路逢美婦採桑胡下車曰力田不如見少年採桑不如見貴郎

吾有黃金願與子也答曰田蠶紡績奉事公姑何待他人之金乎婦不顧胡歸母呼其妻乃採

桑婦也婦曰見婦棄金而忘其母大不孝也任君別娶妾亦不嫁乃投河而死

漢秋君

王莽時為蘇郡守

宋秋富

中書舍人

明秋英

武康人洪武中任典史

秋茂

潁上人永樂中山東僉事

秋允

潁川人弘治舉人

秋逢慶

河南汝寧人舉人嘉靖三十年任遂寧知縣嚴於取吏門禁肅然

猷

遼西見風俗通

漢猷康

隴西人

投

郇伯周畿內侯桓王伐鄭投先驅以策其後氏焉

漢

投調

光祿卿

郵

臨菑

周

郵無恤

古今人表

郵無正

晉大夫

漢

郵長倩

公孫弘故人
著西京雜記

不

甫強切音莽

晉

不準
汲郡人於秦襄王冢得竹簡小
傳古書十餘萬言藏于秘府

不蒙世

安遠
將軍

唐

不雄
徐州人少為牙將敢殺善戰氣蓋軍中會昌初
回鶻入寇詔雄為防禦使兼朔方刺史佐劉沔

屯雲
州

摻

居求切
又音留

周

摻尚
河內
太守

漢
膠廣德
表功臣

膠長漢

膠親
見印

漢文帝時南越太子嬰齊取那鄆膠氏
女為妃弟樂將二千人往誅相呂嘉

膠

宋
膠瑜
龍南人知
通賢縣事

油

明
油鳳
陵川人洪武中舉
人知交趾諒江州

油恭

開州人正德中貢士
任陝西平涼府判

油銘

臨朐人正德中貢士
任山西隰州訓導

舟

晉大夫舟之僑之後

周舟之僑

城濮之戰僑先歸士會斯俘
大賞徵會殺僑以徇于口

宋

舟宗閔

端拱
登科

甌

東甌王之後

明甌庚

貴溪人嘉靖中
任興化縣丞

邠

東夷也其後姓舟氏望出丹陽天水

南
北
鄒
頡
遼西太守

鄒
椿
揚州刺史

脩
天水玄冥之位為脩氏因以為氏又望出臨川

周
脩
熙
玄冥佐

脩
羊
公
魏人在華陰山上石室中時取黃精食之後
以道干漢景帝帝禮之化為白石羊題其脅
曰脩羊公謝天子羊
後復去不知所在

漢
脩
炳
左騎校尉

三
脩
則
都督

脩允

臨川人合浦太守

晉脩肅

廬陵人為典書令懷帝始立為皇太弟懼不敢肅曰儲副之重宜歸時望親賢之舉非大王

而誰宜及時登儲副以允黔首喁喁之望帝曰卿吾之宋昌也從之

南脩景

知廬陵人自建郡潛引蕭穎達穎孚歸

宋脩武丹

富順人寶祐進士

明脩廣順

香山人弘治中大名府照磨

脩世元

長汀人萬厯間廣西全州吏目

駱

越句踐之後

周駟衍

齊人著書十餘萬言其歸必止乎仁義名重于齊適梁惠王郊迎執賓主之禮如燕昭王擁簪

先驅請為弟子周遊諸侯其見尊禮如此又有駟忌駟奭號三駟子

駟馬

齊大夫胡公虐馬縶殺胡公納之興水

駟忌

齊人以鼓琴于威王因及國政封為成侯而受相印齊有三駟子而忌獨先焉

駟奭

齊人頗采駟衍之術以紀文於是齊王嘉之自淳于髡以下皆命曰列大夫為開第康莊之衢

高門大屋尊寵之覽天下諸侯賓客言齊能致天下之賢士也

漢駟朱儒

東方朔給以上將殺之令見上請罪上謂朔曰何恐朱儒朔曰朱儒三尺餘一囊粟錢二

百四十臣長九尺亦一囊粟錢二百四十朱儒飽欲死臣飢欲死臣可用幸異其禮不可用罷

之上使侍
詔金馬門

駙郎

印數

晉駙捷

太傅
參軍

猶

宋猶道明

嘉熙進士
印州人

繇

見姓苑

漢繇延

西郡
督郵

繇通

印數

錙

宋

錙文謨

修職郎監潭州南嶽廟

明

錙績

字孟熙南昌人父渙有雅行以詩名績方數歲渙試以詩有奇句既長遂擅名一時然素貧轉

徙無常地所至書鬻文榜于門得所酬物輒市酒樂賓客不事生產計嘗有客至呼茗不即出恠之因入室其妻方拾破紙以代所焚薪家不能具擔石簞瓢度所夕晏如也所著有嵩陽集霏雪錄穿雲集傳於世子師邵性超邁亦工詩詞錙氏祖父孫皆以文學高于世世稱為三錙云

雉

漢 讎遷

罌

漢 罌夜敞

罌夜張印

彪 必幽切 宮音望出齊郡

周 彪夫衛大

彪僖 獻子合諸侯之大夫于狄泉尋盟城成周獻子南面衛奚曰斯子必有大咎于位以令諸侯非

其任也既歸獻子田於大陸焚焉

宋彪虎臣

進鄉人從胡文定公父子遊講明正學不事
取子居正克嶽麓山長人稱之為彪夫子

云

明彪堂

攸縣人弘治中
任新寧縣知縣

河南均州
有彪氏

浮見姓苑

明浮簡

永州人嘉靖中
江西撫州照磨

聚見姓苑

苑江南有此姓

晉聚籌

陽令晉

媼

周媼始
衛嬖人

句
音瞿又句吳地名姓苑入尤韻

周句如
越大夫

句卑

魯定公四年楚左司馬戌及息而還敗吳師于
雍澨傷初司馬臣闔廬故馳為禽馬謂其臣曰
誰能免吾首吳句卑曰臣賤可乎司馬曰我實
失子可哉三戰皆傷曰吾不可用也已句卑布

裳剽而裹之藏其身
而以其首免

漢句扶

平同郡人忠勇寬厚數有戰
捷功官至左將軍封宕渠侯

南
句台符

撰青城山方
物志五卷

句中正

華陽人孟蜀時舉進士歸宋補曹州錄事參
軍中正精于字學古文篆隸行草無不工太

宗時嘗獻八體書召授著作佐郎直史館詔
詳定篇韻及雍熙廣韻子希古希仲並進士

宋

句希仲

字采臣慶厯三年以都官郎中知軍州事
遷吉筠二州刺史卒贈尚書吏部侍郎

句子倫

江陰
縣尉

明

句璽

伏羌人廣
東都司

句進

巴東人正
德貢士

稠

漢 稠雕

功臣常樂侯

鄴 鄧大夫食菜于鄴邑子孫氏焉

謀 周卿士祭公謀父之後以字為氏出姓纂

巷 音浮見纂要

幽 謚之以幽不欲彰也

鳩 見姓苑

湫 見姓苑

收 見姓苑

梳

見姓苑

巷

音浮出纂文並直音

疇

勢疇之後見風俗通

盞

音求見直音

適

見姓苑

涪

見姓苑

憂

見姓苑

瑠

見姓苑

柔

見姓苑

兜

見姓苑

姜

地名即文王所囚姜里之地也居於此地者以姜為氏或曰姜里獄官以官為氏

甄

見姓苑

褒

姓之國禹之後也河南宜氏志達勃氏改為褒氏

萬姓統譜卷六十三